




## PANDAN YON SIKLÒN PASYAN YO DWE PARE POU SA KI PI MAL PASKE

- Famasi yo ap kòmanse fèmen 24 èdtan anvan glisman teren.
- Ap gen pèt kouran ki jeneralize toupatou nan konte a pandan 2 semenn oswa plis.
- Pifò sant dyaliz yo pa gen kouran rezèv nan dèlko .
- Anpil klinik doktè ka fèmen akòz domaj oswa mank kouran elektrik.
- Kote ki vann rezèv medikaman ap sispann fè livrezon tank oksijèn anvan tan ap fè menas.
- Sèvis anbilans ap sispann reponn depi kondisyon deyò a vin menasan (van ki soufle a 45 mil pa èdtan).




*Pou yon kopi elektwonik tiliv sa a nan  
lang Panyòl oswa Kreyòl,  
tanpri kontakte Medical Society nan (561) 433-3940.*



Palm Beach County  
Medical Society Services

3540 Forest Hill Blvd., Suite 101  
West Palm Beach, FL 33406



# Èske w pare pou fè demann bezwen sante ak bezwen medikal ou sizoka yon siklòn frape Palm Beach County ane sa a?

Sezon siklòn kòmanse premye jen pou l fini 30 novanm. Nan preparasyon pou siklòn, Palm Beach County Medical Reserve Corps ak Palm Beach County Medical Society Services ankouraje tout pasyan pou yo devlope yon plan preparasyon siklòn pou sante ak bezwen medikal ou. Tiliv sa a deziyen pou ofri enfòmasyon jeneral pou ede pasyan yo nan plan planifikasyon yo. Konsilte doktè ou ak famasi ou pou rezèv medikaman ou pou asire ou byen prepare sizoka yon siklòn frape Palm Beach County.



## PALE AVÈK DOKTÈ OU

Anvan sezon siklòn nan kòmanse, se lè pou pale avèk doktè ou konsènan sante ou ak plan siklòn pou sante ak bezwen medikal ou. Kèk kondisyon medikal mande dispozisyon espesyal pou evite konplikasyon ou ka jwenn akòz destwiksyon yon siklòn lakòz.

Men kèk egzanp:

- Pasyan ki pa ka viv san oksijèn - enèji elektrik rezèv pou konsantratè oswa tank oksijèn ap nesesè. Epitou mande kote ki vann ou an ki plan li genyen pou replen rezèv oksijèn li apre siklòn nan.
- Pasyan ki pa ka viv san ensilin - enèji elektrik rezèv pou konsève ensilin nan frijidè ap nesesè.
- Fann ansent - si w gen gwo risk oswa 36 semenn oswa plis pase sa a, ou ta dwe konsilte doktè ou konsènan si oswa non pou ale nan yon lopital.
- Pasyan ki toujou kouche oswa pasyan imobil - ta dwe asire moun k ap pran swen yo ap rete avèk yo pandan siklòn nan.
- Pasyan ki pa ka viv san medikaman - dwe konsève omwen rezèv medikaman enpòtan pou de (2) semenn sizoka famasi detayan yo oswa klinik doktè a fèmen pou yon peryòd tan ki pwolonje.
- Pasyan dyaliz yo - ap bezwen resevwa dyaliz anvan siklòn nan epi pou yo tou pran randevou pou yo al fè dyaliz apre siklòn nan.

## KOTE POU RETE

Selon bezwen medikal pasyan yo, yo ta dwe planifye davans epi yo ta dwe fè aranjman pou yo konnen kote yo prale pandan yon siklòn. Si pasyan yo dwe rete kote ki dwe toujou gen kouran elektrik, yo dwe asire lokal yo chwazi pou rete a gen enèji elektrik rezèv ki nan yon dèlko. Menm egzanp kèk kote pasyan yo ka rete pandan yon siklòn:

- Lwen vil la - kite zòn ki nan trajekta siklòn nan se pi bon fason pou evite yon sitiayson kote bezwen medikal ou yo ka konplike akòz destwiksyon yon siklòn lakòz.
- Lakay ou – si w p ap viv nan yon zòn evakyasyon, yon kay ki byen fèmen pi bon kote souvan pou rete.
- Avèk manm fanmi oswa zanmi - si w nan yon zòn evakyasyon, pi bon kote pou rete se souvan lakay fanmi oswa zanmi nan kay ki byen fèmen.
- Otèl - si w nan yon zòn evakyasyon, yon otèl byen fèmen ki deyò zòn evakyasyon an se yon chwa tou.
- Refij Lakwa Wouj - ou ta dwe konsidere sa kòm dènye chwa. PA pou pasyan ki gen bezwen medikal espesyal.
- Inité pou Swen Espesyal nan Konte a - sèlman pou pasyan ki gen bezwen medikal espesyal epi ki ranpli kondisyon elijiblite. Tout pasyan yo ta dwe enskri. Pou plis enfòmasyon, tanpri rele PBC Emergency Management nan (561) 712-6400 epi mande pou pale avèk yon Special Needs Coordinator (Kouwòdonatè Bezwen Espesyal).

## LIS ATIK POU GENYEN OSWA POU POTE NAN LOKAL KOTE W AP RETE PANDAN SIKLÒN NAN

- Lis medikaman w ap pran ak yon rezèv medikaman pou de (2) semenn (Famasi yo ka fèmen pou peryòd tan ki pwolonje).
- Dokiman enfòmasyon medikal espesifik
- Ekipman medikal (si sa nesesè) ak non ak enfòmasyon pou pran kontak pou kote ki vann ekipman ak rezèv medikaman ou.
- Ekipman oksijèn tankou nebilizè ak konsantratè.
- Ekipman ak rezèv medikaman pou maladi dyabèt tankou aparèy mezi (glikomèt), bann, ensilin, sereng.
- Badin, chèz woulan, ak kad pou mache

## LOPITAL YO PANDAN YON SIKLÒN

- Lopital PA yon chwa pou refij jeneral pandan yon siklòn.
- Lopital yo rezèv kòm kote pou trete maladi ki menase lavi pasyan yo.
- Lopital yo ap kontinye aksepte pasyan ki gen ijans ak/oswa pasyan ki gen twomatis.
- Pifò lopital ap sèvi kòm refij pou fanm ansent ki gen rekòmandasyon yon doktè epi ki gen 36 semenn oswa plis oswa ki gen anpil risk pou akouche anvan lè.
- Lopital yo pa anmezi pou bay biblik la medikaman, kidonk pasyan yo dwe fè aranjman pou yo genyen omwen rezèv medikaman ki disponib pou de (2) semenn. Yo kapab jwenn medikaman sa yo nan klinik doktè yo oswa nan famasi detayan.

## KLINIK DOKTÈ PANDAN YON SIKLÒN

Klinik doktè yo tankou tout lòt biznis ap fèmen anvan yon siklòn pou kite pèsònèl yo fè preparasyon pa yo pou siklòn. Poutèt sa, pasyan yo ta dwe:

- Asire tout renouvèlman medikaman sou preskripsyon ajou epi pou yo genyen omwen rezèv medikaman ki disponib pou de (2) semenn.
- Ou dwe konprann règleman "On-Call" doktè yo si klinik lan pa anmezi pou relouvre apre siklòn nan.
- Tcheke televizyon ak radyo lokal pou jwenn lòt enfòmasyon.



- Atik ijjén pèsònèl tankou deyodoran, pat dantifris/bwòs dan, gan pou twalèt, sèvyèt, savon, elatriye.
- Atik pou pran swen timoun tankou lèt an poud, kouchèt, manje tibebe, elatriye
- Moun k ap ba swen an pa endependan.
- Ekipman pou dòmi - kabann kan, zòrye, kouvreli, elatriye.
- Rad siplemantè, flach, radyo, pil rezèv, telefòn selilè avèk chajè, atik pou amizman, jwèt pou timoun, manje ki p ap gate pou repa lejè, elatriye.
- PA POTE bét nan kay, revòlvè, bwason ki gen alkòl, dwòg ilegal, oswa manje ki ka gate.